

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

Ո Ր Ո Շ ՈՒ Մ թիվ - 207

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«16» հունիսի 2023թ.

ք. Երևան

Ես՝ ՀՀ պետական եկամուտների կոմիտեի իրավաբանական վարչության ղեկավար Արման Մնացականյանս, քննելով՝ Հարություն Արթուրի Ներսիսյանի (Անձնագիր՝ AP0335760, հասցե՝ ՀՀ, Արաբկիր, Տոլբուխինի փողոց, շենք 3, բն. 6) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Չ Ե Ց Ի՝

2022 թվականի հոկտեմբերի 18-ին ՀՀ ՊԵԿ մաքսանենգության դեմ պայքարի վարչության և ՀՀ ՈՍ Ճանապարհային ոստիկանության ՃՊԾ ծառայողների կողմից Մեղրիի համայնքում կանգնեցվել է քաղաքացի Հարություն Ներսիսյանի կողմից շահագործվող 1994 թվականի արտադրության «TOYOTA LANDCRUISER LX» մակնիշի THT726 ՎՀ-ում հաշվառված համարանիշի (2775AP տարանցիկ համարանիշի), LJ790007535 նույնականացման համարի տրանսպորտային միջոցը, ինչի արդյունքում պարզվել է, որ ՀՀ ԱԱԾ ՍԷԿՏ համակարգում բացակայում է վերոնշյալ THT726 վրացական հաշվառման համարանիշի տրանսպորտային միջոցի վերաբերյալ տվյալները:

Փաստի առթիվ Հարություն Ներսիսյանի նկատմամբ «Մաքսային կարգավորման մասին» ՀՀ օրենքի 312-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ «TOYOTA LANDCRUISER LX» մակնիշի THT726 հաշվառման համարանիշի տրանսպորտային միջոցը վերցվել և ի պահ է հանձնվել «Զանգեզուր Տերմինալ» ՍՊԸ-ի մաքսային հսկողության գոտում:

Վարչական վարույթի ընթացքում Հարություն Ներսիսյանը թիվ 11/11-3/80599-2022, թիվ 11/11-3/29999-2023 ծանուցագրերով հրավիրվել է ՊԵԿ իրավաբանական վարչություն վարչական վարույթի և վարչական գործի քննությանը մասնակցելու համար, սակայն ծանուցագրերը հետ է վերադարձվել «չպահանջված» նշագրմամբ:

Հարություն Ներսիսյանի կողմից մաքսային հսկողությունը շրջանցելով տեղափոխված ավտոմեքենայի շուկայական արժեքը պարզելու համար 20.12.2022թ-ին նշանակվել է «Ապրանքագիտական փորձաքննություն», որի կատարումը հանձնարարվել է ՀՀ «Փորձագիտական կենտրոն» պետական ոչ առևտրային կազմակերպության փորձագետին:

19.12.2022թ-ի որոշմամբ Հարություն Ներսիսյանի վերաբերյալ վարչական վարույթի ժամկետը երկարաձգվել է՝ մինչև փորձագիտական եզրակացության ստանալը:

ՀՀ «Փորձագիտական կենտրոն» պետական ոչ առևտրային կազմակերպության փորձագետի 04.05.2023թ. թիվ 22352210 եզրակացության համաձայն՝ փորձաքննությամբ նշանակված «TOYOTA LANDCRUISER LX» մակնիշի THT726 հաշվառման համարանիշի ավտոմեքենայի շուկայական արժեքը 2022 թվականի հոկտեմբերի 18-ի դրությամբ կարող էր կազմել 5 300 000 ՀՀ դրամ:

Պարզելու համար, թե որքան է կազմել վերոնշյալ տրանսպորտային միջոցի մաքսային արժեքը՝ 17.05.2023թ. գրությամբ հարցում է կատարվել ՀՀ ՊԵԿ Մաքսային հսկողության

վարչություն, որտեղից ստացված 09.06.2023թ. պատասխան գրության համաձայն՝ անձնական օգտագործման ապրանքների վերաբերյալ իրավակարգավորումները սահմանված են «Անձնական օգտագործման համար ապրանքների հետ կապված առանձին հարցերի մասին» ԵՏՀ Խորհրդի՝ 20.12.2017 թ. N 107 որոշման համաձայն, մասնավորապես, վերը նշված Որոշման համաձայն 8703 ԱՏԳ ԱԱ ծածկագրին դասակարգվող անձնական օգտագործման տրանսպորտային միջոցների միասնական վճարների դրույքաչափերը սահմանված են 2-րդ հավելվածի 2-րդ աղյուսակով՝ այն ավտոմեքենաների համար, որոնց թողարկման պահից անցել է 5 տարի և շարժիչի աշխատանքային ծավալը գերազանցում է 2300 խոր.սմ-ը, բայց չի գերազանցում 3000 խոր.սմ-ը սահմանված է 5 եվրո միասնական դրույքաչափ՝ անկախ ապրանքի արժեքից, հետևաբար «TOYOTA LANDCRUISER LX» մակնիշի ավտոմեքենայի մաքսային արժեքը կկազմի 5 300 000 ՀՀ դրամ:

ԵՏՄ մաքսային օրենսգրքի 2-րդ հոդվածի 1-ին մասի 25-րդ կետի համաձայն՝ «Միության մաքսային սահմանով ապրանքների անօրինական տեղափոխում» է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով:

«Մաքսային կարգավորման մասին» ՀՀ օրենքի 301-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 312-րդ հոդվածի՝ Հայաստանի Հանրապետության պետական սահմանով մաքսային հսկողության ներքո գտնվող ապրանքների կամ տրանսպորտային միջոցների տեղափոխումը՝ մաքսային հսկողությունը շրջանցելով, այսինքն՝ Հայաստանի Հանրապետության պետական սահմանով դրանց տեղափոխումը մաքսային մարմնի գտնվելու վայրից դուրս՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների կամ տրանսպորտային միջոցների մաքսային արժեքի հիսուն տոկոսի չափով, բայց ոչ պակաս, քան մեկ միլիոն դրամի չափով:

Սահմանային էլեկտրոնային տեղեկատվական համակարգի տվյալների ուսումնասիրությունից պարզվել է, որ Հարություն Ներսիսյանը մեկնել է ՀՀ-ից 16.07.2022 թվականին և մուտք է գործել ՀՀ 17.07.2022 թվականին:

Հարություն Ներսիսյանը 2023 թվականի հունիսի 16-ին հրավիրվել է ՀՀ ՊԵԿ իրավաբանական վարչություն՝ իր նկատմամբ «Մաքսային կարգավորման մասին» ՀՀ օրենքի 316-րդ հոդվածի հատկանիշներով սկսված վարչական գործի քննությանը մասնակցելու համար

և միաժամանակ նախազգուշացվել, որ համաձայն «Մաքսային կարգավորման մասին» ՀՀ օրենքի 332-րդ հոդվածի՝ չներկայանալու դեպքում վարչական գործի քննությունը կիրականացվի իր բացակայությամբ:

Այսպիսով, նյութերով պարզվել է, որ 2022 թվականի հոկտեմբերի 18-ին Հարություն Ներսիսյանը մաքսային մարմնի գտնվելու վայրից դուրս, մաքսային հսկողությունը շրջանցելով տեղափոխել է 5 300 000 ՀՀ դրամ մաքսային արժեքով «TOYOTA LANDCRUISER LX» մակնիշի, THT726 հաշվառման համարանիշի ավտոմեքենա, այսինքն՝ վերջինս թույլ է տվել «Մաքսային կարգավորման մասին» ՀՀ օրենքի 312-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ արձանագրությամբ, ՀՀ «Փորձագիտական կենտրոն» պետական ոչ առևտրային կազմակերպության փորձագետի 04.05.2023թ. թիվ 22352210 եզրակացությամբ, ՊԵԿ մաքսային հսկողության վարչության 09.06.2023թ. թիվ Ն/8-2/108640-2023 գրությամբ, սահմանային էլեկտրոնային տեղեկատվական համակարգի տվյալներով:

Հիմք ընդունելով «Մաքսային կարգավորման մասին» ՀՀ օրենքի 316-րդ, 334-րդ, 335-րդ հոդվածները.

Ո Ր Ո Շ Ե Ց Ի՝

1. Հարություն Արթուր Ներսիսյանին ճանաչել զանցառու «Մաքսային կարգավորման մասին» ՀՀ օրենքի 312-հոդվածով և նրան տուգանել մաքսային մարմնի գտնվելու վայրից դուրս մաքսային հսկողությունը շրջանցելով տեղափոխված «TOYOTA LANDCRUISER LX» մակնիշի, THT726 հաշվառման համարանիշի ավտոմեքենայի մաքսային արժեքի 5 300 000 ՀՀ դրամի հիսուն տոկոսի չափով՝ 2 650 000 ՀՀ դրամ:


2. Որոշման մասին հայտնել Հ. Ներսիսյանին՝ պարզաբանելով, որ «Մաքսային կարգավորման մասին» ՀՀ օրենքի 334-րդ հոդվածի 2-րդ կետի համաձայն՝ որոշումն ուժի մեջ է մտնում կայացման պահից, իսկ նույն հոդվածի 4-րդ կետի համաձայն՝ որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով՝ 2 ամսվա ընթացքում:

ՀՀ պետական եկամուտների կոմիտեի իրավաբանական վարչություն

(ստորաբաժանման անվանումը)

ղեկավար՝ Արման Մնացականյան

(անուն, ազգանուն)



(ստորագրություն)

Որոշման օրինակը՝ ____4____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի
ներկայացուցչի անունը, ազգանունը, հայրանունը և լիազորությունը հաստատող
փաստաթղթի տվյալները)

(ստորագրություն)

«__» _____
(որոշման օրինակի ստացման ամսաթիվը)

20__ թ.

Ծանոթություն. Սույն որոշմամբ նշանակված փուլի գումարը ենթակա է վճարման Կենտրոնական գանձապետարանի №900005024055 հաշվեհամարին _19_ ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կադարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: